

Schpiegelbild



Hütt Morge luegsch my wiider ganz verrumpflet aa
Ych überleg mir schwer was ych gescht verboche ha
Du bisch en alte Nyydibutz setzisch my unter Drugg
Denn erscht wenn ych lächle, lächlich fründlich zrugg!

dialäggtragg

Ref. Spiegelbild mänggmol bisch so hart
Schpiegelbild mänggmol bisch, mänggmol bisch so zart
Schpiegelbild zeigsch d'Realität
Schpiegelbild bisch irgendwie, bisch irgendwie vercheert

Du bisch so brutal eerlich wenn ych vor dir shtoo
Du wiideresch my aa und fasziniersch mi so
Du hesch kei eigene Wille bisch nur e'Projegtion
Du hesch my in dr Hand verfügsch über my Person

Ref.

Hütt Morge luegsch my wiider ganz verrumpflet aa
Ych überleg mir nit was ych gescht verboche ha
Ych lächle eifach und gniess dr Augeblig
Und stell dir frei öb d'wotsch lächle oder nit

Ref.

S U I S A ® Dieser Text ist Urheberrechtlich geschützt. Das öffentliche Aufführen Kopieren, sowie Bearbeiten bedarf der schriftlichen Genehmigung.